


玉林市文史资料专辑

鬱
林
州
志



前言

鬱林州基本上为今玉林市。先秦时属西瓯骆越地，秦时属象郡地，汉至晋时属合浦郡地，自南北朝起直至宋代，其地名、归属变更频繁。以鬱林二字置郡，最早见之于西汉，至今已有一千多年。宋代以前，『史册所载鬱林皆在今浔州府贵县地或在今桂平县及所属兴业县地』^①，不在今地。宋至道二年（公元九九六年），鬱林州始筑州城并设治所于今地，历元、明、清不变。

鬱林州有志始修于明代，清康熙年间重撰《鬱林州志》，于乾隆初年及末年两次续修，成书十卷。光绪二十年（公元一八九四年），《鬱林州志》又在乾隆五十七年（公元一七九二年）版的基础上续修而成。全书廿卷分订为十六开本线装十册，木版刻印，记载了鬱林州这个千年古郡大量有价值的历史资料。然而，《鬱林州志》光绪版出书已近百年，迭遭天灾、战火、『文革』等洗劫，民间已存书无几。近年来，随着改革开放的深入发展和商品经济的日益兴旺，人们对乡土文化遗产也逐渐重视，热切希望《鬱林州志》能够重版。

遵照周恩来总理『用历史知识教育启发后代』的指示，贯彻『以史为鉴』、『古为今用』的方针，玉林市政协决定，委托文史资料工作委员会把《鬱林州志》光绪版作为文史资料专辑排版付印。重印本将原书十册合订为一册；基本上依照原书体例及行文顺序排版；改用简体字印刷；保留原书编码并给合订本编上统一的阿拉伯数字页码。重印本还设计了新封面，于书末附录的一组《鬱林州历史地理选图》，旨在供读者阅读参考。

注①，引自本书第4页卷首《鬱林直隶州志序》（张人骏序）。

鬱林州志

卷首

序文·····

修志姓氏·····

续修凡例·····

卷一

輿地略一沿革

疆域

輿图·····

卷二

輿地略二山川

陂坝

桥梁·····

卷三

【鬱林州志】

卷首

巨录

輿地略三乡堡

户口胜迹附·····

卷四

輿地略四星野

祀祥

气候

风俗

物产·····

卷五

(78)

(64)

(49)

(18)

(16)(10)(1)

建置略一城池 衙署

卷六

建置略二学校

卷七

建置略三坛庙祠宇

卷八

经政略一赋役 积储 盐课

卷九

经政略二兵制

卷十

职官表一

卷十一

职官表二

卷十二

选举表一

卷十三

(179) (168) (142) (135) (122) (112) (104) (94)

选举表二.....

(226)

卷十四

宦績录.....

(246)

卷十五

人物列传一.....

(257)

卷十六

人物列传二.....

(270)

卷十七

人物列传三.....

(287)

卷十八

纪事编.....

(333)

卷十九

纪事编殉难.....

(378)

卷二十

艺文编金石附.....

(395)

鬱林直隶州志序

周官地图备掌职方汉法郡志聿登史馆大而卢牟六合则元丰九域乐史寰宇其权舆也小而系缀一隅则益部方物陈留风俗其津逮也至于岭表掌故具勒成书刘恂录异导初枕于前去非代答振芳尘于后都京研炼文献考征志乘之作由来尚已鬱林山川磅礴民物昌丰夙号牢州近称奥壤旧志修于乾隆五十七年距今忽逾百载其间户口田土之盈缩政令条教之张弛官师人物之升沉学校科名之隆替阅红羊于往劫闻见僦池寻碧蠹之残编焉乌漫漶亟资续辑规视将来则有冯君达夫秉鞭作牧载石高轨三

【鬱林州志】

卷首

序

一

长兼擅乎史氏九能可以为大夫于是给札写绋翹材辟馆拾遗订坠起例发凡继其任者全君墨村规随顛一暨州中二三君子踵而成之观乎纲举目张条分缕晰钩元提要则挈领振裘纪事纂言则悬镜程物储储然眈眈然粲若列眉瞭如指掌举凡裴秀禹贡之图孝侯风土之记善长水经之注子云方言之文根底波澜殆云具体揆诸韩氏朝邑结构谨严康君武功神明规矩造车合辙未稔何如要之政书扶世官牒牖民考古今沿革则知所率循览形势山川而思所控掣正不同嵇状范录徒侈游观越乘齐书但供嘽嘽已也冯君邮书索为弁语喜其焯掌油素殫心汗青寻常流辈乌能跂及他日润色鸿业斧藻群言著述等身传世行远兹事提倡特其嚆矢云尔光绪二十年甲午孟秋

头品顶戴兵部侍郎都察院右副都御史巡抚广西等处地方提督军务兼理粮饷加节制通省兵马銜江都张联桂序

【鬱林州志】

卷首

序

二

鬱林直隶州志序

皇帝御极之十有五年
特诏重修会典

命直省督抚绘舆图以进而附以沿革疆域天度山镇水道乡镇职官诸表以时异势殊有昔所有而今废者昔所无而今建者有今昔所同有而其中不无改易者删定纂修所恃以信今而传后者于是乎在于时冯君达夫摄鬱林州牧慨然有续修州志之举发凡起例草创未成以及瓜期而去全君墨村继之集乡绅筹经费进州人士之尤雅者相与斟酌之损益之正前志所已详者增前志所未备者以期于尽善而后已越两

【鬱林州志】

卷首

序

三

载书成函其书至乞序于余夫志者经之绪史之质也其事与文则史其志与义则经纂言记事有似春秋述则壤之成赋登名宦之良谟有似乎书贤淑必书节孝忠义必书有似乎诗上推星野旁及礼祥有似乎易疆域节序学校祭祀兵制职官有别有似乎礼春秋诗书易礼之道备而史法亦纬乎其中矣顾一代正史隔世始修无俟后人之删补若志则随时随地而异也然则续修之功顾不伟哉粤西地处边陲自经兵燹后各州县志或散佚而无考或残缺而仅存是有望于闻冯君全君而兴者

光緒甲午孟秋上浣布政使黃槐森序

【鬱林州志】

卷首

序

四

鬱林直隶州志序

鬱林牟芝农司马为余甲戌会榜同年友昔复同官畿辅每谈及鬱林山水之胜辄心焉向往者久之嗣芝农奉讳归里余适由天津道超擢岭臬初以为天假良缘或可于勾漏山前一偿夙约入境后始知鬱林虽隶桂林行省南北相距千数百里少文卧游徒驰梦轂壬辰初秋兴国冯达夫直刺由鬱林卸篆旋省询及芝农里居近状两袖清风仍如寒素惟杜门却扫日以修志为事此诚贤士大夫居是邦而维持风化之大

端也岂细故哉今以志成属为之序余不获睹白石洞绿鹇山诸名胜而披图浏览亦宛与目遇矣窃维鬱

【鬱林州志】

卷首

序

五

林州志创始于

国朝康熙间继修于乾隆初年毗陵段君汝舟再续于宛平邱君桂山迄今又百年矣中遭寇难列郡属邑屡
经兵燹遗文多阙故籍既湮征文考献十无二三幸有冯君达夫倡议于前全君墨村殫力于后延请芝农
纂辑编录三年于兹考定义例始有成书于前志之阙者补之略者详之误者正之疑者订之俾其部次秩
然经纬粲如洵足以信今而传后矣顾余尤有感焉粤西自洪逆肇乱土匪蜂起咸同年间省垣以外郡县
沦陷殆尽惟鬱林与百色厅巍然独存其间豪杰之士忠义之气固足为史乘光然非我

圣朝累洽重熙

德洋威奮岂能乱而复治俾居其地者获衽席之安享鱼盐之利哉士庶人幸生斯世允宜咏德蹈仁以答升平
特恐狃于安乐骄纵或滋将有恃豪强而武断乡曲争雀角而积成世仇岂不失乡里觴豆言欢之谊防禁
未然是教化芝农既与二三同志重辑志乘于一州之源流得失历代之沿革兴废瞭如指掌尤当佐司
土者式化其乡间使士食旧德农服先畴父诏兄勉各敦古处庶几出入相友守望相助三代同井之风复
见于今日是更余之所厚望也夫时光绪二十年岁在甲午仲夏

【鬱林州志】

卷首

序

六

赐进士出身头品顶戴广西按察使司按察使前翰林院庶吉士胡燏棻序

鬱林直隶州志序

光緒十有五年九月余奉

简命授广西盐法道其明年五月抵任下车之始循问俗之例即觅谢蘊山中丞所修广西通志读之其卷帙繁
重不易卒业适广西有重刊通志辑要一书复取读之其书简约纪载虽本谢志而体例迥殊其分合之当
繁简之宜辩证之细皆令人一览而周知案是书为苏文庵学博宗经所撰学博乃鬱林州人窃意有如此

才若倩其辑修鬱林州志则以本州之人记本州之事必更有详悉无遗者惜乎其人存则其政亦不举也今年夏冯刺史达夫忽以鬱林州志稿本十二册见示并请制序余受而览之方知前志已缺修者百年

【鬱林州志】

卷首

序

七

冯君于前三年署理鬱林时自捐资款与其州中诸绅设局兴修年余未得脱稿期满去官全刺史墨村继之复集诸绅筹款续修又阅二载稿本始具其稿虽因旧志而未合之处亦能援据更正门目亦稍有加增质而不俚简而能赅文核事实庶几无愧方知纪载之才应时而正不必拘目前所见遂叹为专长也间尝即是稿并其旧志而合勘之旧志目简事详似推善本惟今鬱林州之名实始赵宋赵宋以前史册所载鬱林皆在今浔州府贵县地或在今桂平县及所属兴业县地旧志非不知之而沿革一门历引汉晋以来史册所载鬱林名目迄于五代无敢遗漏以致鬱林与今治无与者亦屡及之名宦乡贤与今治无与者亦备载之正戴氏震所谓地志沿革未明则山川人物无一不误者也尝谓乾隆间有万氏之

大清一统志表出而天下之沿革以明嘉庆间有谢中丞之通志出而广西之沿革易考苏学博系宗谢志故其叙鬱林沿革与志表均合而与旧志则多所不同然则此次之志即可谓近宗苏氏苏氏虽未专修鬱志而更正之力预施于前与吾向者之私怀不啻潜合也已抑余更有疑者苏氏于汉之刘外谷永三国吴之陆

【鬱林州志】

卷首

序

八

绩晋之毛晃宋之刘勔诸公鬱林与贵县两处均经纪载惟鬱林则注云五人宦迹不在今地但祀于名宦已久不可不相缘而附余尝查谢志鬱林祀典门亦载刘陆二公而浔州贵县名宦反或遗之夫五人者皆鬱林太守有功所治报享宜隆余谓直可移请专祀贵县此次所志不必仍缘附之说则不惟苏氏有以纠正志之失而是编又有以纠苏氏之失天下事因有历久而裁酌益当者其此类也乎光绪二十年岁在甲午孟夏月中浣按察使銜广西分守桂平梧盐法道丰润张人骏序

鬱林直隶州志序

两粤以东西判行省然东省以饶富称而西省则以瘠贫著良由山势回环石积竹箐之间田赋恒苦不足

故与东省迥别也自桂林沿江西南行至北流登陆走五十里地忽平旷一望百里瓜田错互膏腴壤接崇墉百雉斩然如新是为鬱林州治其气候燠多寒少田稻再收故殷户最多与粤东无异亦能勇于为义视输数千缗如敝屣各省灾荒羽檄劝捐其数往往甲于通省光緒庚寅四月余司權是邦甫半年奉令中丞張公之檄就攝州篆初膺民社抱冰淵者凡十有九月賴諸賢士大夫暨同官扶持之力民情按堵更

【鬱林州志】

卷首

序

九

邀神祝年谷順成幸釋僇戾受代返省已三載于茲矣諸父老時具音書存問士子之应试會垣遺米鹽等物佐朝夕者不可悉數于以嘆鬱林風氣抑何近古也先是接篆后即訪求州志得前署州牧邱君所修八卷其體例簡賅一掃世俗繁芜之习心竊佩之然作于乾隆壬子迄今已百有一年矣此百年中搢紳之代謝迭舉之蔚興典禮之增加建置之更易与夫德行道艺忠孝节烈之继起而踵生均不可以无纪匪直此也道咸以来洪杨之乱肇目粤西此后群盜如毛狼奔豕突所过州郡残破纷纷桂林萃全省兵力得以保固宜也鬱林僻在边陲叠遭寇攘同仇敌忾亦得瓯完牟智川孝廉尝为余述其与前官肇划之劳捍御之策屡濒危殆方庆安全伟矣哉民献犹存此尤不可听其湮没者也因与孝廉及在籍欧伯香侍讲牟芝农大令文小铭比部钟维田舍人有修志之议顾经费无出时正奉安阳

马中丞檄办蚕桑余倡捐四百金于是捐者云集约萃四千余金计蚕事已敷因请于上台以所捐拨为志费上台颺之遂于次年三月初二日开局余僭拟凡例务求简易以冀速成也已而侍讲养痾未痊大令亦体患不适舍人主讲经古孝廉专办蚕桑惟比部独任其事而岁贡年分既多难考所派采访六人以

【鬱林州志】

卷首

序

十

赴乡闈未得蒞事年终虽粗具底稿未能排比成编也又明年春大令病良已奋然欲终其局倡议集资时余方州试各属文武童不及过问迨四月而卸事矣幸接任者为金谿全墨村太守勤勤恳恳视此事为尤要续筹经费仍与孝廉大令诸公踵而成之以余倡其议寄示稿本余受而读之凡二十卷共十册条目分明纪载简括旧志之冗者汰之阙者补之讹者正之盖至是鬱林之志成主修之责卸全君之功竟而余之愿亦偿矣每思圣人之训一曰富教一曰足食兵而民信夫处常则观其操修处变则验其忠义鬱林胶校

如林科名鼎盛其于礼教之事已既见而熟闻故遇变乱之时能急公而好义方知昔人所谓瘠土多思沃土不才不过为昧教者觥挞而非概论也幸值我

国家镜清之会人文炳蔚之秋吾尤愿志局诸公手此一编启迪后进俾览者溯政绩而思致治之谟见躬行而殷陶淑之念联桑梓而切维持之术抚胜迹而深兴起之怀俗美化行历久而不敝将巍然为粤东西名胜之区不尤懿欤全君暨牟君各以函问序于余不揣谫劣记其颠末附列于后亦以成诸君不忘葑菲之义云尔光緒二十年季春月下浣盐运使銜知府用前署鬱林直隶州事广西补用直隶州知州楚北冯德

【鬱林州志】

卷首

序

十一

材序于广西寓馆

鬱林州志序

续刻

明 右参政

曾守身

吏治惟一清耳一清百清或曰才佐之非也才自是清中事无才则无不浊矣又安所得清而称之泉之冽也涤烦雪之凜也兆丰清自才也委珠于泥则浑矣委鉴于尘则暗矣才固未必能清也或曰水清无大鱼又曰举世皆浊何不汨其泥而扬其波彼盖有激乎其言而暴汗者遂以为口实攫市御门亡家败国天下之恶皆归吏治云乎哉鬱林故太守陆绩归之日舟虚以石镇之至今号为鬱林石粤峒丁绩蕉苙蔽体本不佳中贵人奏应贡令鬱林岁贡葛扰累殊甚圩峒悉逃先皇帝一朝撤尽间阖欢呼若更生夫一石一

【鬱林州志】

卷首

曾序

一

葛为清几何而光垂宇宙泽暨穹壤史册诧为异事今天下尽如此石此葛四海有不永清者乎甚矣清之所关重也方今宇内外盗贼蜂起率执言贪酷吏驱我虽不尽然亦有以致之鬱林东近钦雷西连横贵采珠划马时入我疆矧加派调发日以绎骚兹土也岌岌乎殆矣诸郡邑长上奉令甲前瞻芳轨近监四方之乱能亡意乎倘不然而驱吾民以导贼则贾胡之患其曷免焉杨郡守修鬱林志雅有石葛之思首言法与所以法予读之未畅载读共总论一篇约之为赋役诉讼二事析之为兜揽婚姻土田人命盗贼赌博六事语语刺骨真可为痛哭流涕长太息予始知其法在志其所以法在此允若此则吏治清矣昔杨氏以

清白吏遗子孙君其苗裔耶吏治清而天文地理钱谷兵甲官师文献风俗民物灾祥治乱一言以蔽之矣以称不朽志可知矣若夫宝圭窃窕于十洞罗望激滙于三江马狄血食于千秋陶何竟爽于桥梓文解流馨于云初淑闺槁形于双石艳姿殉主于危楼妖嫫酿乱于天宝葛仙觅砂以冥举李龙囓糕而岁还瑞凤辉腾于祗树灵鱼吐沫于石吻铜船耀影于江心神鼓扬声于水面岩蛭取精于斗胆箬木侈坚于铁力黄茅染瘴于病夫胡蔓构命于诤庭鬼门增感于征人斯一方之侈谈亦清客之所抵掌也尽足标奇卒难悉

【鬱林州志】

卷首

曾序

二

数观者自得之

案通志载此序文而云所修志未见则是书久无存今于州志附录此序以存始又通志作曾守身自序曰云云似谓志系曾修而自序者但中明言杨郡守修鬱林志查职官表曾守身天启二年任右参议并未知鬱林州天启元年知州有杨于陞正与曾同时则修志者杨而曾为之序也

鬱林州志原序

志者古史之流也周礼小史掌邦国之志外史掌四方之志而大司徒之职以天下土地之图周知九州之地域广轮之数辨其山林川泽丘陵坟衍原隰之名物以佐王安国夫是以政教行而风俗成也今夫理一家者必举其家之田园庐舍耕桑畜牧食物器用前人之所经画者周知而综理之而后一家之事治为民牧者亦然亲民之官莫如州县县曰知县州曰知州循名责实盖有在已然而捧檄遣征单车就道凡此邦之风俗情形有为目的所未睹耳所未闻者不有稽考其将何以从事此志之所以为尤重也鬱林为古名郡

【鬱林州志】

卷首

段序

三

秦汉以来通于上国历经沿革今亦非其旧矣然其习俗醇朴户口繁殷山川效其秀灵贤哲传其懿绩民情士习鬱然可观若乃平畴百里却望极目白石东南寒山西北清潭泻空秀木满目瓜田错互豆篱映望馐妇在田农歌满耳览风土之嘉胜瞻民物之熙和尤足令人低徊俯仰流连赞叹而不忍置者而文献无征志乘残缺此亦守土者之责也余以乾隆十六年仲夏承乏兹土下车之日即访求州乘得前任金公原志二册字画残缺仅存一线于煤烟蠹蚀之余大惧旧闻放失后将益无所稽考且自金君以迄今日相距

五十余年其间名贤之经理间井之变迁土田之垦治与夫髦士之书升论秀乘时而利见者既已阅时而日新其可以无志耶爰与乡先达陈君朝报某某等进而修之删其繁芜补其缺略凡阅一寒暑而后竣异日上之史馆足以征我

国家之湛恩汪涉声教四讫光天之下罔不率俾鬱林虽僻处荒远已无不蒸然向化丕应徯志实有轶汉唐而追隆古者何其盛欤且使后之君子宰是邦者其于政教因革之大凡可以历考而得之以协其调剂而

【鬱林州志】

卷首

段序

四

施其补救之用其或不鄙夷是编更相与润色而修明之则余之志为不孤也已是为序时
乾隆十八年岁次癸酉阳月毗陵段汝舟书于鬱林官舍

原序

乾隆辛亥秋余自梧州丞移署鬱林州篆下车之始索阅旧志吏以乾隆癸酉年前州段君所作抄本进蟬蛎篆蚀大半残缺读原序系本康熙间前州金君刊志重修再索原本已不可得矣溯癸酉迄今又四十年若弗亟为编定更阅数年将并此零篇碎牒而乌有矣文献奚征焉爰与署州判刘君春浦学博秦君碧澗商之于壬子春设局学使者行署延绅士中之敦行而能文者广咨博采佐以书手画师胥吏通力合作而二君暨余总其成旧志中有可议者如载八景沿俗例也载星野气候风俗节序典制物产与各郡相若者袭陈言也载祀祥纪事乡评难概征信也载艺文碑刻可以证阙史记序题咏可以征遗迹备采风然各以类从一二隳括何取乎繁引而博登也凡兹数端手披目逆移时盖不愿于心于是芟其繁者补其不备者

【鬱林州志】

卷首

原序

五

厘为十门曰沿革曰山川曰建置曰学校曰祀典曰赋役曰兵制曰秩官曰选举曰人物援据羽陵不为臆说并仿古人左图右史之意作图十五附列各卷之后事详于前文减于旧三阅莫牒哀然成书遂出俸钱而付之梓余自维簿书鞅掌又舛陋无史才而与诸君旦莫从事敬慎商确或不致马医夏畦滥厕名哲柏

舟嫠妇遗恨幽泉此中犹堪自问焉惜乎余既假守不能久于其任而春浦碧澗又皆解官还桂林志期速成末由完善博雅者尚其鉴诸时

乾隆五十七年五月

赐进士出身奉政大夫署知州同知广西梧州府事前内阁中书癸卯科福建乡试副考官甲辰科会试同考官

宛平邱桂山撰

原序

昔朱紫阳守南康甫下车即询郡志其非备掌故之谓譬诸治庖然非相其窾却则芒刃不得施粤西诸郡唯鬱林志无成书相沿仅抄本数帙夫以粤之僻在边隅旧号少文鬱承古治之遗迹钟灵杰式是南邦顾独征信缺如资治末由宜我年友邱司马之汲汲以修定为己任也邱司马来摄是州余适以按部相

【鬱林州志】

卷首

费序

六

与晤语时即有重修郡志之商越半载函其书至并囑余为志颠末阅之则已焕然新编凡所损益具有条理因思古者礼俗政事教治皆有书每国辨异之以反命于朝行人职也余昔驱车马鞍狮岭间询度諏谋至今犹仿佛于怀不图司马更惠我以鲁春秋而删其齐东

圣朝方将采风以备国史康乐和平微斯莫属何代无公纪是志固将为廉石同不朽云尔
乾隆岁次壬子冬孟粤西学使者费振勋题

原序

洪范八政先食货而终以宾师其中曰祀曰司空司徒司寇皆政之大经也司马迁作史记有八书班固演为十志历代作史者多因之盖政典所关不可不详非徒殫见洽闻已也至郡邑之有志昉于周官外史乃纪载者往往略于政典而于物产之微艺文之末广为采摭亦何取焉夫作史非具三长未云尽善而识为尤难吾友邱君摄定州牧其州之旧志已残缺失次乃纂辑而更修之书成求序于余余览其书内载沿革

山川建置学校祀典赋役兵制秩官选举人物列门凡十而星野风俗礼祥之类悉删之盖分野之说多由
 于前人之附会而灾祥尤易惑人若夫移风易俗其权自上岂任其囿于方域而莫之变也其余所纪悉关
 治体则仿乎八政而为之者其立言也简其纪事也详而人物一门铭鼎钟于不朽发潜德之幽光更为风
 化所系邱君之识可谓卓矣由是推而行之修其教齐其政使合于人情宜于土俗乃邱君所优为者余日
 望之矣是为序

时

乾隆伍十七年七月望日

赐进士出身中宪大夫广西分守桂平梧鬱道兼管通省盐法事务前山西河东兵备道翰林院检讨充
 国史馆纂修兼提调官济宁孙玉庭撰

乾隆壬子重修鬱林州志姓氏

总修

署鬱林州知州梧州府同知前内阁中书乙未科进士宛平

邱桂山

分纂

署鬱林州州判候补直隶州州判丁酉科选拔贡生宝应

刘玉麟

鬱林州学正截取知县戊子科举人临桂

秦兆鲸

校对

鬱林州训导岁贡生贺县

汤日新

监修

鬱林州吏目候补府知事吴县

洪鵬

协修 本州 绅士

原任广东长宁县知县壬申科

候选儒学教谕己酉科副榜

贡

生

采访

拣选知县甲午科

拣选知县丁酉科

拣选知县癸卯科

拣选知县癸卯科

贡

贡

贡

贡

附

附

附

席

生

生

【彰林州志】

生

卷首

姓氏

十

贡 举

举 举 举 举

员 生 生 人
杨 马 苏 牟
高 奕 其 辉
渭 驥 燧 孔

员 生 生 生 生 生 生 生 生 生 人 人 人 人
陈 陶 关 郑 陈 陈 陈 文 邓 周 杨 蒋 杨 龚 牟
甲 元 俊 朝 朝 甲 志 国 圣 圣 万 兰 毓
灏 渊 昉 垣 望 哲 冲 基 珣 锐 锋 桁 林 芳 基